

JAVNO PREDUZEĆE «VODOVOD I KANALIZACIJA» d.o.o.
ZENICA
Direktor preduzeća

Broj: 101-5.182/16 HH
Zenica, 31.03.2016. godine

Na osnovu člana 32. i člana 64. stav 1, tačka b, člana 70. stav 1,3 i 6. Zakona o javnim nabavkama („Službeni glasnik BiH“, broj 39/14), na Preporuku Komisije za nabavku broj:716-5.180-1/16 HH od 31.03.2016.godine, a u skladu sa članom 26. i 27. Statuta Javnog preduzeća «Vodovod i kanalizacija», direktor Javnog preduzeća «Vodovod i kanalizacija» d.o.o. Zenica donosi

ODLUKU
o izboru najpovoljnijeg ponuđača

I

Usvaja se Zapisnik o ocjeni ponuda sa preporukom za dodjelu ugovora za javnu nabavku broj: 716-5.181/16 HH od 31.03.2016. godine u postupku dodjele ugovora za izvođenje asfaltnih radova na asfaltiranju prekopa sa i bez pripremljene podloge na području grada Zenice (ručna ugradnja), i prihvata se preporuka Komisije za nabavke, da se okvirni sporazum zaključi sa ponuđačem:

TB INŽENJERING d.o.o. Breza,
kao najbolje ocjenjenom ponuđaču

Prema ponudi broj: 716-4.989/16 od 22.03.2016. godine, za ponuđenu cijenu bez uračunatog PDV-a u iznosi 68.400,00 KM.

II

Prijedlog okvirnog sporazuma dostavit će se na potpis izabranom ponuđaču TB INŽENJERING d.o.o. Breza, nakon isteka roka od 10 dana, računajući od dana kada su svi ponuđači obavješteni o izboru najpovoljnije ponude .

III

Za izvršenje ove Odluke zadužuje se Komisija za nabavke.

IV

Ova Odluka stupa na snagu danom donošenja i dostavlja se svim ponuđačima koji su učestvovali u postupku javne nabavke, shodno članu 71. stav 2. Zakona o javnim nabavkama („Sl. glasnik BiH“ broj 39/14.).

V

Ova Odluka objavit će se na web-stranici <http://www.vikze.ba/>, istovremeno sa upućivanjem ponuđačima koji su učestvovali u postupku javne nabavke.

Obrazloženje

Postupak javne nabavke pokrenut je Odlukom o pokretanju postupka javne nabavke broj: 101-4.221/16 HK od 07.03.2016. godine.

Javna nabavka je provedena putem konkurentskog zahtjeva za dostavu ponuda, sa zaključivanjem okvirnog sporazuma sa jednim ponuđačem na period od 12 mjeseci.

Procijenjena vrijednost javne nabavke bez uračunatog PDV-a je 80.000,00 KM.

Dana 10.03.2016. godine na Portalu javnih nabavki, istovremeno sa objavljivanjem obavještenja o nabavci broj: 439-7-3-92-3-15/16, objavljena je i tenderska dokumentacija.

Poziv za preuzimanje tenderske dokumentacije broj: 713-4.221-2/16 HK od 11.03.2016. godine upućen je sljedećim ponuđačima:

1. Almy transport d.o.o. Zenica,
2. KOMGRAD –ZE d.o.o. Zenica,
3. ZEKO –S d.o.o. Zenica.

Na osnovu Izvještaja o preuzimanju tenderske dokumentacije od strane ponuđača od 24.03.2016. godine u 13:54 sati, utvrđeno je da su sljedeći ponuđači preuzeli tendersku dokumentaciju:

1. Dimex Spring Air d.o.o.,
2. BBS Europe,
3. 3.Almy transport d.o.o.,
4. 4.TB INŽENJERING d.o.o.,
5. 5.ŠPIC BETON d.o.o.Zenica.

Komisija za nabavku imenovana je Odlukom broj: 101-197/16 MS od 11.01.2016. godine.

Datum otvaranja ponuda za predmetni postupak je promijenjen sa dana 22.03.2016. godine na dan 24.03.2016. godine zbog proslave Dana preduzeća 22.03.2016. godine, a u vezi čega su ponuđači, koji su blagovremeno dostavili svoje ponude, bili obavješteni kako telefonskim putem tako i pismenim putem dopisom broj : 713-4.995/16 BS od 22.03.2016. godine.

Komisija za nabavku je dana 31.03.2016. godine direktoru preduzeća dostavila Zapisnik o ocjeni ponuda broj: 716-5.181/16 HH od 31.03.2016. godine i Preporuku o izboru najpovoljnijeg ponuđača broj: 716-5.180-1/16 HH od 31.03.2016. godine, u postupku javne nabavke za izvođenje asfaltnih radova na asfaltiranju prekopa sa i bez pripremljene podloge na području grada Zenice (ručna ugradnja).

U postupku, prema Zapisniku o ocjeni ponuda, utvrđeno je da je Komisija za nabavku blagovremeno i pravilno izvršila otvaranje ponuda i ocjenu prispjelih ponuda, o čemu je sačinila odgovarajuće zapisnike, u kojima je utvrđeno sljedeće:

- da je ukupan broj pristiglih ponuda 3 (tri),
- da su blagovremeno zaprimljene 3 (tri) ponude,
- da nema neblagovremeno zaprimljenih ponuda,
- ukupno preuzeto tenderske dokumentacije od strane ponuđača sa Portala javnih nabavki 5 (pet).

Polazeći od gore navedenih konstatacija, a shodno odredbama Zakonom o javnim nabavkama, podzakonskim aktima opštim aktima ugovornog organa i tenderskom dokumentacijom Komisija je ocijenila da:

Ponuđač Almy transport d.o.o. Zenica je dostavio ponudu u vrijednosti od 85.500,00 KM bez PDV-a, koja prelazi procijenjenu vrijednost Odluke od 80.000,00 KM bez PDV-a za predmetnu nabavku. Zbog predhodno navedenog, ponuda ponuđača se odbija na osnovu člana 68. stav 4 tačka (j) Zakona o javnim nabavkama.

Preostali ponuđači TB INŽENJERING Breza i ŠPIC BETON d.o.o. Zenica su dostavili formalno-pravno i tehnički zadovoljavajuće ponude, te su iste prihvatljive za ugovorni organ i mogu biti predmet ocjene shodno utvrđenom kriteriju.

Uvidom u priloženu dokumentaciju, konkurentskog zahtjeva za dostavu ponuda broj: 713-4.221-1/16 HK – za izvođenje radova na asfaltiranju prekopa sa i bez pripremljene podloge na području grada Zenice (ručna ugradnja), a tokom preliminarnog pregleda i ocjene prispjelih ponuda, Komisija po članu 66. Zakona o javnim nabavkama ("Sl. glasnik BiH", broj: 39/14), i članu 17. Uputstva za pripremu modela tenderske dokumentacije i ponuda ("Sl. glasnik BiH", broj: 90/14), nije našla

osnovan razloga da izrazi sumnju da je ponuđena cijena ponuđača TB INŽENJERING d.o.o. Breza neprirodno niska.

U postupku donošenja ove Odluke, posebno su ocijenjene činjenice da je Komisija, pravilno i potpuno, izvršila ocjenu kvalificiranosti ponuđača te ocjenu prispjelih ponuda, shodno kriteriju iz tenderske dokumentacije.

U postupku ocjene provedenog postupka, Direktor preduzeća nije našao razloge, nepravilnosti niti propuste u radu, koji bi eventualno bili osnov za neprihvatanje preporuke Komisije za nabavku.

Naime, u postupku je ocijenjeno da je Komisija u svemu pravilno postupila te da je rangiranje ponuđača izvršeno u skladu sa Zakonom o javnim nabavkama, podzakonskim aktima, internim aktima i tenderskom dokumentacijom.

Uvidom u priloženu dokumentaciju, nesporno je da je, primjenjujući kriterij „najniža cijena“, Komisija izvršila ocjenu prihvatljive ponude / ponuđača kako slijedi:

1. TB INŽENJERING d.o.o. Breza,

sa ukupnom cijenom ponude od 68.400,00 KM bez uračunatog PDV-a,

2. ŠPIC BETON d.o.o. Zenica,

sa ukupnom cijenom ponude od 79.200,00 KM bez uračunatog PDV-a,

te dala preporuku da se okvirni sporazum zaključi sa najuspješnijim ponuđačem TB INŽENJERING d.o.o. Breza na period od 12 mjeseci.

Iz navedenih razloga, primjenom člana 32 i člana 64. stav 1. tačka b. Zakona o javnim nabavkama, odlučeno je kao u dispozitivu.

POUKA O PRAVNOM LIJEKU:

Protiv ove odluke može se izjaviti žalba, najkasnije u roku od 5 (pet) dana od dana prijema ove odluke.



DIREKTOR

Kahrman Ekrem, dipl.ing.maš.

DOSTAVLJENO:

- 1 x Direktor preduzeća
- 1 x Pom.dir.za ekon.posl.
- 1 x Pom.dir.za tehn.posl.
- 1 x Komercijalna služba
- 3 x Članovima Komisije
- 1 x Sekretar Komisije
- 1 x a/a